

نومرو ۱۳ — ۲۴

نسخه سی ۲۰ پاره در



امور اداره و تحریر و اعلانات و ساثره ایچون مدیر
مسئوله مراجعت ایدالمیدر .

ایونیه سی بر سنه لک اعتبار بله ممالک عثمانیه ایچون
۱۴ و ممالک اجنبیه ایچون ۲۰ ضرور شد .

صرفای امتک مقالات متصوفانه لرینه جریده
صوفیه نک صحیفه لری آچیقدر .

شمذیلک اون بش کونده بر نشر اولانور
محل اداره باب عالی جوارنده ابوالسمود جاده سنده
نجم استقبال مطبعه سی

تصوفی ، دینی اخلاقی ، جریده اسلامیہ در

اولدی بی حالده خلقك اذاسنه دوچار اولورلر [اللهم اهد قومی قہم لا یہلکون] [۸] دیہرک اذالریہ صبر ایتک شولہ طورسون بدعا بیلہ ایتزلر و [واصر کما صبر اولوالعزم من الرسل] و [انما یوفی الصابرون اجرهم بغير حساب] تبشیرات جابلہ سنجہ بالغ درجت علیا و نائل الطاف لایخصی اولورلر جناب رب العالمین قرآن عظیم الشانک یتمشدن زیادہ محمده صبری اراء و شایہ ووروب اکثر محمده سائر فضائل دینیہ میآئندہ ذکر و بعضاً [مثلاً - یا ایہا الذین آمنوا استمعینوا بالصبر و الصلوۃ - کبی انلرہ تقدیم ایامشاردر و فخر عالم افندیمر حضرتلریہ [ایمان] دن سؤال اواندقدہ [صبر و ساحتدر] بیورمشاردر [۲] مہویدرکہ برکیمسہ امام جعفر صادق رضی اللہ عنہ حضرتلریہ قومشوسنک اذاسندن شکایت ایدر صبری توصیہ بیورلر تکرار اوکیمسہ [قومشو بی دناثلہ اہام ایدیور] دیدکدہ حضرت امنم تہور نام ابلہ [اصل ذی ظالم اولاندیر] بیورلر .

[۱] یارب سن قومی طوغری بولہ ارشاد بیورکہ انلر بنم عظمت شانی و آنلر حقندہ حسن بیتی تقدیر ایتزلر
[۲] ساحت = سخا ، بوشافلق ، کافترک

فتوحات اسلامیہ

مابعد

(بی اسد) اک انہزامی اوزہ رینہ جناب خالده اطرافہ سرہلر سوقنہ باشلادی و قبائل متجاورہ دن کیمی اسلام آرزو سیلہ کیمی قیلیج قورقوسیلہ کلوب اتباع ایتدی . بر قسمی دہ خالده یانہ اوغرامقسنرین طوغرودن طوغرو بہ خلیفہ حضرتلریہ عرض مطاوعت ابلہ دی .

بوایشلاردہ بیتدکدن صوکرہ جناب خالده معیتیلہ (بی تمیم) یوردینہ یورودی . (بطاح) [۸] واصل اولونجہ طویلو بر جماعت تولامادی ایچین جوارہ مفرزلر کوندردی کہ بردانہ سی اون ابکی کیشی بی یاقالایوب خالده کہ تبردی . بونلر ، ارتداد ابلہ مش و زکات اعطاسندن استنکاف ایتمش اولانلردن ایدی کہ بطاح شیخی ممالک بن نویرہ دہ آرالیدہ بولونویوردی .

خالده رفقا سندن بعضاری ، ممالک ابلہ آرقداشاری حقندہ :
— بونلر مسلمان اولمشلاردی ، قتلاری جائز دکلدر . دیدیلر . بعضاری دہ :

— مسلمان اولمامشاردی ، قتل و سبیلادی جائزدر . مطالعہ سندہ بولویدیر . خالده بومطالعہ بی تصویب ایلہ دیکی ایچین ہپی
[۱] بی اسد بن حزیمہ دیارندہ بر صو اولدی بی (معجم البلدان) دہ مذکوردر .

قتل ایدیلدی و ممالکک زوجہ سی خالده طرفندن تزوج اولوندی . ممالکک اسباب قتل حقندہ روایات مختلفہ وارددر . مورخینک کیمی : خالده ، زوجہ سنہ طمعاً مالیکی اولدوردی . دیمشدرکہ بر افترای محضدر . کیمی دہ ممالکک : صاحبکز وفات ایتدی ، صاحبکز شولہ بولہ یاباردی . طرزندہ افادہ سرام ایدیشندن خالده بن الولیدک حدتہ نوب : حضرت پیغمبر ، بنم صاحب ایدی دہ سنک دکلکی ایدی ؟ دیہرک ارتدادینہ حکم ایلہ مش و قتلنہ امر و برمش اولدینگی یازمشدر .

اک معقول و مقبول اولماسی لازم کان برروایت دہا وارددرکہ : خالده اسرا بی حبس ایتک اوزرہ . ضرار بن الازورہ . و بریر . کیجہ اولونجہ یاغور یاغار ، هوا صوغور . سردار ، اسراکزی کیدروب ابصیتیکز « دیمک اولان » ادفوا اسراکم ، جلہ سیلہ ندا ایتدیریر . ادفاء کلمہ سی کناثہ لغتندہ قتل معائنہ کلدیکی ، ضرار بن الازورہ او قبیلہ دن بولوندی جہتلہ « اسیرلریکزی اولدورک » معنایی آکلایوب ممالک ابلہ رفقا سنی خطاء قتل ایدر . بالآخرہ حادثہ دن خبردار اولان خالده جان صیقیارسدہ ایش ایشدن کچمش و بی چارہ لر برسوہ تفہمک قربان اولمش بولونور . صوکرادہ مقتولک زوجہ سنی نفسنہ نکاح ایتک صورتیلہ نسلہ ایتک ایستہر .

•••

ممالک بن نویرہ ، حضور پیغمبریدہ اہنددا ایدہرک قومنک زکاتی تحویلہ مأمور بیویورولمشدی . ارتحال نبوی اوزہ رینہ طویلا دینی مالی ، صاحبلریہ اعادہ ایلہ دیکی ایچین مرشد اولدی ظنیلہ طوتولمش و خالده رفقا سندن بولونان ابو قتادہ حضرتلرینک اہندہ کی شہادتہ رغماً قتل اولونمشدی .

بوندن طولانی ابو قتادہ ، مدینہ بہ کیدہرک خالده دن شکایت ایتدیکی کبی مقتولک برادری شاعر مشہور مہتمم بن نویرہ دہ قان دعواسیلہ کلدیکی جہتلہ حضرت عمر ، خالده قصاصاً اعدامنی طلب ایلہ مش ، جناب خلیفہ ایسہ :

— خطاء واقع اولان بر قتل ایچین قصاص لازم کلز . دیہرک مقتوللرک دیتاری ووروب وارثلری ارضا ایتمش . فارہ ق اعظمک :

— باری سردارلقدن عزل ایت . دیمسنہ قارشیدہ :
— اللہک کفار اوزہ رینہ صیردینی برقیایمی بن قینہ قوبامام . جوایلہ سیف اللہک امارندن عزالہ رضا کوشمرمہرک مدینہ بہ ورودندہ سیانہ اوزہ رینہ مأموراً سوق ایلہ مشدر .

« سجاج بنت حارث التیمیہ »

« تمیم » قبیلہ سندن برقادین اولوب طلیحہ کی بودہ « اعدوا الرکاب واستعدوا للنہاب ثم اغیروا علی الریاب فلیس دونہم حجب »

طرزنده مسجع ياوهر ايراديله پيغمبرك دعواسنه قالمش وكندى
قوى ايله « بنى تغلب » دن بعضلرينى نبوتنه ! اينانديرمشدى .
ايجيه قالا بالق طوپلانجه اهل اسلام ايله اوغراشمق املنه دوشديسه
اول امرده « يمامه » ده [۱] ادعاى نبوت ايدن « مسيلمه »
اوزه رينه يورومهسى توصيه ايدليكمندن « عليكم باليماة ذوقوا
ذيف الحماة فانها غزوة حرامه لا ياحقكم بعدها ملامه » ديهرك
يمامه عزم ايتدى .
مسيلمه ، سجاحك مهم بر قوتله اوستنه كلديكنى ايشيدنجه
هديله كونده روب برملاقات طلبنده بولوندى . آلدني مساعده يه
بناءً « بنى حنيفه » دن فرق كيشى ايله سجاحك زيارتنه كيتدى .
قرمزى ميشينندن قبه شكننده ياپدير دني چادري قوردوروب
پيغمبر خانى ! چاغيردى . سجاح ، يالكزجه كلوب چادره كيردى .
مسيلمه يه :

— سكا ناصيل آيتلر نازل اولدى؟ ديهه صوردى . مسيلمه :
— ألم تر الى ربك كيف فعل بالحلبى اخرج منها نسمة تسمى
بين صفاق وحشى ! ديدى . سجاح :
— داهه ؟ سؤالنده بولوندى . مسيلمه :

مابعدى وار طاهر المولى

كليات ابن الرحمن دن :

ادبى باغچه لر
عدد
۵۰

« جهاد »

جهاد — من جهة الاجر عبادتك اعظمى ، ومن جهة النجات اكملدر .
جهاد — درجاتك افضل ، نفاقدن طهارتك انزهيدر .
جهاد — نسل بشرى تصفيه ، ايمان و رابطه بنى تقويه ايدر .
جهاد — مؤمن صادق ايجون الطاف سبحانيه نك اجلى منافقين ايجون محن
ومشاقك اسقميدر .
جهاد — آفات و غضب الهيك انسانلر ايجون استحقاق آئنده خلاصك
اك سريع طريقيدر .
جهاد — حسيات معنوى عمومى يه بى جريانلر و برمك ايجون اجرا ايديلن
برنوع انقلابدر .
جهاد — عصيان بشردننانى جناب حق و يريلن رضيه در .
جهاد — افناى فكر ايجون ضربك برنجى واسطه تحكيمدر .
جهاد — زواللى انسانلرى الدائم و بر آرايه طوپلامق ايجون بكر منجى
عصرك مردود منافعى خسيس امللرينى ، منفور اعضاضينه
بيچاره انسانلر واسطه سيله لاجل الاقتطاف مرتب بريلان
بر بلوفدر .
جهاد — حال استغراقده بولنان نفوس زكيه نك باغ رضاسيله ارباب انفسه نك
درىاي قضاسى آره سنه وضع ايدلمش دلنشين بر كورودر .
قاعة سلطانيه لى

ابن الرحمن على طيار

[۱] جزيرة العربده (نجد) ايله (بحرين) اراسنده واقع برخطة
جسيمه دركه اليوم حدودى بكده معين دكلدر .

« بر منظومه عربيه و ترجمهسى »

و يعنى الشكوى الى الناس اتى خلق عالمده بنم كى بتون عاجزدر
عليل ومن اشكو اليه عليل .. سوزيمه سويله دن علم الهى شامل ..
و يعنى الشكوى الى الله انه ايشته بنجه شوايكى حال قوى عاجزدر
عليهم بما القاه قبل اقول خلق ايله خالق شكوى ايدم هم الحاصل ..
اذان المرأ حين الطفل يأتى ولادتنده اذانى او قونمى كشينك
وتأجز الصلوة الى الممات نمازى حال ممانه اولمى تأخير
دليل ان محياه قايل حياتك بر اذانه نماز بينى قدر
كما بين الاذان الى الصلوة قليل اولمسنه اولدى بر دليل كبير

كمال الدين خرطوى

منع عشرت و لعبات

اينى كوتونى تفريقه مقتدر اولميان بر طاقم كنج چوجقلىرك
قهوه ، چاي خانه ، ميخانه كى بعض يرله دوام ايدرك اويون
اوينامقده و بعضلرينك ده عشرت قوللانمقده اولدقلىرى مقام ولا تبه
استخبار قلنديغندن بعدما بوكى حركانده بولنانلرك صورت قطعيه ده
منى ايجون پوليس اداره سنه امر و تبليغ كيفيت بيورلمشدر .
اويون اوينامق و عشرت قوللانمق كيت كيده دائى بر آلت
حاله كله جكي ايجون غايت مذموم و فنا بر حركت اولمقله برابر
على الخصوص قيمتلى و قتلرينى كوزل فضيلتلى اينى اخلاقلىر قازانمقده ،
ادب و عرفان تحصيلنه حصر ايلملى لازم كان بويله بر طاقم كنجلىرك
بو اخلاق سزلفه دوشملىرى بوتون بوتون جائز اولمدينى كى بويله
يرله كيتملىرينك آداب و اخلاقلىرى بوزم جنى و بعضاً دخى بو
كوتو حاللر يوزندن وقوعات دخى ظهوره كله جكي آجيق بر كيفيت
اولمق جهتيله ادب و تربيه نك بس بتون خلافى اولان بو فناقلر
حكومتجه قيد سزلسكله كوريله ميه جك حاللردن بولنديغندن بوندىن
صكره اويون اويناديلى و عشرت قوللانديلى كوريلن كنج چوجقلىرك
پوليسلر واسطه سيله اورالردن قلعى صورنده قالديريله جقلىرى كى
قبول ايدن و عشرت و يرلر اويون اوينادان چايخانه و ميخانه جيلرك
دخى بونلرى عشرته و اخلاق سزلفه تشويق ايتمش صاييله رق حقلىرنده
پوليس نظامنامه سنك سكسان ايكنجى ماده سيله اولبايده كى امرلرك
حكمنه كوره جزا معامله سى ياييله جنى قرارلشدرلديغندن هم اخلاقاً
و هم ادباً شايلن تقبيح اولان بوكى حركاندن توقى ايلملىرى لزومى
شبان وطنه اخطار ايلرز .

جريدة صوفيه

فضيلت و انسانيت نقطه سندن جدآ سزاي تجليل اولان شوتديرك
استانبولزده و ممالك سائره عثمانيه ده دخى تطبيقى شايلن تمنيدر .

نجم استقبال مطبعه سى
صاحب امتياز
ومدير مسئول
حسن كاظم